

釋迦方誌卷下

仙六

終南太一山釋氏道宣

撰

遺跡篇之餘

遊履篇

通局篇

時住篇

教相篇

釋迦方誌遺跡篇第四之餘

乙

摩揭陀國中印古者訛耳度也周五千餘里城少人居邑落極多寺五十餘所僧徒出万多太乘學天祠數十異道甚多故城在王舍城山北倚東二百四十里北臨碗伽河周七十餘里人壽多歲時号拘蘇摩補羅城言香茅花宮也人壽數千歲時更因波吒釐樹名波吒釐子城古名色連弗者訛也故宮北石柱高數丈無憂王作地獄處佛涅槃後第一百年有阿輸迦王言無憂也即頻毗婆羅王之曾孫自王舍城遷都此城重築外郭出異種稻粒大而美光色奇異名供大人米也宮北臨碗伽河小城千餘家現存獄石柱南大塔寶飾覆鉢石

作欄檻即八万四千之一也安佛舍利一升時有光瑞即見憂邁近護羅漢役使鬼神所營其側精舍中有大石是佛欲涅槃北趣拘尸南顧摩揭故蹈石上之雙跡也長尺八廣六寸輪相花纹十指各異近爲羯羅擎蘇伐刺那言金耳國設償迦王言月也毀壞佛迹鑿已還平紋彩如故乃捐碗伽河中尋復本處次側有四佛行坐塔故宮北大石室即育王爲弟所造次有大水槽育王飯僧者宮西南小石山周巖澗谷數十石室育王爲近護羅漢役鬼所爲其傍有石池俗名聖水飲者病愈山西南五塔面各數百步育王建八万四千塔已尚餘五升舍利更造此塔靈異間起有王將此作難陀王五藏興軍掘之地震山傾塔中大呼士卒僵仆故城東南屈屈咤陀濫摩寺言難也昔有論議屈於外道十二年來不擊犍椎有南印度那伽闥刺樹那菩薩或云龍樹來至伏諸外道始擊犍椎故塔名

擊犍椎也次北有鬼辯塔馬鳴事城西南隅二百餘里古寺塔中四佛行坐迹又寺西南百餘里大寺僧徒千數並學大乘合有四院觀閣三層崇基重戶中門三精舍金銅隱起中有立像高三丈左多羅菩薩右觀自在並鑄石鑄成三所各有舍利一升光相時起寺

仙六二

西南百里大山上石塔高一丈餘佛於大磐石上入定經宿諸天雨花以感慕故起寶塔高一丈許今變爲石唯遙望見煙霞止居靈聖龍蛇窟穴鷲鳥猛獸古今無人達者山東崗塔佛於此立觀摩揭國處山西北三十餘里山寺負嶺躡崖置閣大乘學瞿摩末底菩薩唐言德慧伏外道處今有僧五十餘人又西南二十餘里孤山寺有論師尸羅跋陀羅唐言戒賢今見在初伏外道得邑捨而造之其處竦一危峯如浮圖形置佛舍利又西南五十許里度尼連禪河有伽耶城少人物婆羅門千餘家住仙人之胤也王所不臣衆咸

加敬城北三十餘里清泉俗傳聖水飲濯之者罪消也城西南六里許伽耶山也谿谷杳冥世謂靈岳自古君王登封告成也頂有石塔高百餘尺時放奇光佛於此說寶雲等經山東南足連河減二里許至鉢羅笈菩提山言前正覺也佛將證先登因名也

佛自東北崗上頂欲入金剛定震地投山神懼告佛又至西南半崖中面澗坐石地山又震淨居天告曰此西南十五里近苦行處畢鉢羅樹下金剛座處是菩提座三世諸佛咸此成覺佛方就之仍爲石室龍留影也今或有見者及無憂興世於諸靈迹皆表浮圖兩

仙六三

諸天花每竟安居法俗同往登山供菩提樹其菩提樹周垣甃壘以崇固之東西闊周可五百四十步奇樹名花連陰列植

正門東開對尼連禪那河南門接大花池西阨險固北門通大寺其塔院內聖迹諸塔精舍星張相布樹垣正中金剛座者賢劫初成

與大地俱大千界中下極金輪上至地際金剛所成周百餘步千佛同坐入金剛定故因号焉即證道之所也又曰道場大地震時獨無搖也佛證覺後自入末法沙土彌覆不見本質傳佛說耳遂以兩軀觀自在菩薩南北標界面南而坐記云此像身沒佛法當滅南

隅像者合沒胷臆

佛在世時菩提樹高數百尺枝黃葉青冬夏不改佛涅槃至葉凋零復後爲無憂王伐截於西數十步聚而燒之用以祠天煙焰未止忽生兩樹猛火之中茂葉同榮因謂灰菩提樹王覩信生以香乳溉餘根者至旦樹生如本王妃忿之又夜重伐王重祈請以乳灌之不日還生壘石周垣基高丈餘近爲金耳國月王又伐此樹掘至泉水不盡根底乃縱火焚之又以甘蔗澆之令焦爛絕其本也數月之後爲補刺擊伐摩王此言滿曹即無憂王之玄孫也聞樹被誅舉身投地請僧七日經

所謂寶瓶及寶臺也

東南接爲重閣三層簷宇特異並金銀飾鏤三重門外龕中左觀自在右慈氏像並鑄銀成高一丈許無憂王造也精舍初小後臣廣之內置成道像有婆羅門應募造之唯須香泥及一燈內精舍中六月閉戶作之乃成尚仙大

餘四日僧咸恠之因開觀覓見像儼然東面加坐右足加上左手斂右手垂不見作者坐高四尺二十廣一丈二尺五寸像高一丈一尺五寸兩膝相去八尺八寸兩肩六尺二寸相好具足唯右乳上圖飾未周更填衆寶遙看其相終似不滿有僧夢匠者云我是慈氏

恐工拙思故自寫之言垂手者像佛語魔指  
地爲證近被月王伐樹令臣毀像王自東返  
臣本信心乃於像前橫施鞞障心愧闇故置  
燈於内外盡自在天像功成報命月王聞懼  
舉身生胞肌膚皆裂尋即喪沒大臣馳返即  
除壁障往還多日燈猶不滅今在深室日晨持

鏡照乃覩其相見者悲戀敬仰忘返

佛以唐國三月八日成道上座部云當此三  
月十五日成道時年三十者或云三十五者  
斯之差互彼自不同由用曆前後故有此異  
猶神州曆元各各不同三代定正延縮不等  
何足恠也且據一相取悟便止佛成覺已七  
日寂定至於樹北七日經行南北往來十餘  
步許異花隨迹有十八丈文後人輒疊爲基高  
三尺餘俗云聖迹基也表人命之脩短者先  
發誠願以繩度之隨壽短長增減有驗  
此北道左磐石上大精舍作佛上望仰觀樹  
相爲報恩像當時七日目不暫捨

禁

五

樹西大精舍鑿石像東面立飾奇珍前有青  
石奇文異彩初成道日梵王起七寶堂帝釋  
起七寶座佛據上七日思惟放光照樹今寶  
爲石樹南浮圖高百餘尺初佛於河沐已將  
坐念草帝釋化人以姑尸草<sup>言</sup>以奉佛處  
育王造塔表之

次東北塔是證果時青雀來繞羣鹿呈祥處  
樹東大路左右各一塔是魔王燒佛衰退處  
樹西北精舍中迦葉波佛時放光明俗云至  
誠七繞生得宿命智又垣西北塔鬱金香泥  
高四丈餘樹垣東南隅尼拘盧樹側有塔精  
舍中有坐佛初證果時大梵王請轉法輪處  
垣內四隅皆有塔初佛受草趣樹先至西南  
地動又向西北又東北又東南並地爲震即  
西北至樹下東面坐金剛座上地方安靜故  
立塔記

垣外西南二牧牛女宅處其側煮糜處又側  
佛受糜處皆立表塔

樹南門外大池周七百餘步清澄魚龍所宅

次南池者帝釋所造爲佛濯衣

池西大石天帝雪山將來爲佛曬衣側塔是

佛納故衣處

次南林中一塔佛受貧母施故衣處

化池東林龍池清黑味甘岸西小精舍中像

佛初成道此坐七日入定龍王繞佛七匝化  
多頭蓋佛處龍池東林精舍作佛羸瘦像側  
有經行迹十餘步南北各有畢鉢羅樹往  
來攀而後起即苦行六年日食一麻麥處今  
有疾者香油塗像多愈又有五人住處塔  
又東南塔佛入尼連河浴處

次近河佛食乳糜處於道樹下受解脫也其  
側二塔長者獻蜜麩處樹東南塔是四天王  
四方來各持金鉢及諸寶鉢佛皆不受乃各  
持石鉢紺青映徹方摠受之按爲一鉢外現  
四際

其側有塔成道後爲母說法處現神變處

仙六

六

度優婁迦葉千人處

又西北伏火龍處

五百獨覺入滅處目眞龍池南迦葉謂佛溺  
水處魔怖佛處皆立表塔記之樹垣北門外  
即摩訶菩提寺庭宇六院觀閣三重周垣高  
五丈許佛像鑄金銀莊嚴工巧極世華美塔

又高廣有佛舍利大如指節光潤鮮白通徹  
內外肉舍利者大如青珠形帶紅色每年至  
佛大神變目出以示人即印度十二月三十  
日於唐正月十五日也於此時也放光兩花大起深信其寺常僧  
減一千人習大乘上座部法儀清肅是南海  
僧伽羅國王請中印度大吉祥王立之經今

四百年矣故寺多師子國人又菩提樹面十  
餘里聖迹相隣差難備舉每年比丘解安居  
訖四方諸俗百千萬衆七日七夜香花伎樂  
遍林供養禮拜奉慶印度諸僧以唐五月十  
六日入雨安居以唐八月十五日解夏斯亦  
隨終一變不可約之如雪山北有國坐春坐

秋者意以一年之內多濕熱處制三月住就中前後一月延促不定若據修道何時不安故三時遊行通制有罪必有緣務亦開兼濟不執也菩提樹院東度尼連河大林中塔北池者佛昔爲香象子侍盲象母處前建石柱昔迦葉波佛於此宴坐側有四佛行坐迹林

仙六

七

中小石柱是鬱頭藍發惡願處又東度莫訶河東林野行百餘里至屈屈吒播陀山言雜足也直上三峯狀如雞足峭絕孤起迥然空表半下茂林半上蔓草尊者大迦葉波於中寂定故因名焉初佛以姨母織成金縷袈裟傳付慈氏佛今度遺法四部弟子迦葉承旨佛涅槃後第二十年揀衣入山以待慈氏止有一塔齋夜望之明炬自照雞足山東北百餘里至佛陀伐那山北崖大石室佛止數年旁有磐石帝釋摩檀塗佛今猶芳烈從空谷東出三十餘里申瑟知林言林也竹滿山谷昔有人以丈六竹杖量佛而

恒出杖表因投杖而去遂生根而被山焉中有一塔佛曾七日說法處林中有勝軍居士以香末爲泥作五六寸塔上書經文名法舍利也三十年間晝夜無怠凡作七億每一億小塔作一大塔盛之請僧法會稱慶其事皆放光明杖林西南十餘里大山陽二溫泉甚熱佛化浴焉遠近沐者沉痼皆愈側有佛經行像塔林東南七里許大山嶺上石塔佛於此兩三月爲天人說法頻毗婆羅正疊石爲道廣二十餘步長四里許大山東北四里許至孤山仙人室也

又東北五里小孤山壁石室可坐千人佛於此三月說法室上磐石梵釋於此磨檀塗佛今猶郁烈室西南隅巖岫即阿素落宮石室側頻毗王往佛所棧道斷石通路長五里許作階也又東行六十餘里至

矩奢揭羅補羅城此云上茅宮城即摩揭陀

之正中也多出香茅國中最勝古來諸王都

其山城門闕存焉因香爲名崇山四周以爲外郭西通狹徑北開山門東西長周迴一百五十里樹花含蕊皆作金色內城周三十餘里城內荒涼都絕人物北門外塔佛舒手現五師子伏提婆醉象處又東北塔是舍利子聞馬勝比丘說法證道

仙六

八

龜塔北大深坑旁塔是室利翹多<sup>言</sup><sub>也</sub>設火坑以害佛處

坑東北山城之曲有塔是縛迦醫王宅爲佛建說法堂周垣花果蘿株尚存佛多止中

宮城東北十五里許至姑栗阿羅矩吒山<sup>亦鷲臺古云普闍崛</sup>接北山陽孤起頂上東西長臨

山城北門西有毗布羅山西南崖陰昔有五百溫泉今猶數十尚兼冷燉源發雪山無熱

惱池潛流出此猶清且美味同本池並彌石象師子之首石以同流下乃編石爲池浴者病瘥諸有僧寺多取飲之以水沐髮終身常

仙六

九

崖西垂甕室廣高奇製其戶東開佛在世五十年多居斯室說法今作等佛身像昔影堅王爲聽法故自山至峯跨谷陵巖編石爲道階凡六里廣十餘步從杖林石室至此三階迹猶存焉階側二小塔一令王下一簡凡人其上精舍東長石佛曾經行履之

淨使人王玄榮曾以沐首經今五載髮常潤澤不可思議泉左右塔及精舍故基羅列並四佛行坐迹此中山林相兼隱者見處泉西卑鉢羅石室佛昔恒居後壁洞穴是阿素洛宮此毗布羅山上塔是佛說法處今露形外道居之山城北門左南崖險東行三里許

傍有大石高丈四五廣三十餘步是提婆所擲佛者其南崖下塔佛此說法華經處精舍南山崖大石室佛於此入定阿難別室魔怖之佛以手通石摩頂見有通穴精舍東北大石澗大磐石佛曬衣處文今明徹旁有佛迹輪文入石北山頂塔佛望摩揭

精舍東北大石澗大磐石佛曬衣處文今明徹旁有佛迹輪文入石北山頂塔佛望摩揭

山城七日說法處

大石室調達入定處。室東有班血磐石上。昔有比丘修定不證自刺頸便證羅漢升空化火自焚處崖上石塔習定者投崖證果處北門外一里餘至迦蘭竹園精舍石基額室東開佛多止中室尚存矣今有等佛身像竹園東大塔是阿闍多設咄路云未生悉即闍王也。

得舍利分所建後無憂王開之別建諸塔餘在者時放光焉側有佛經行處東有阿難半身塔竹園西南六里許南山陰大竹林中大石室是大迦葉波與千羅漢於此集三藏處僧中上座即号上座部焉室西北塔是阿難受責證果處名證果塔也西行二十餘里塔者是諸學無學大衆法集五藏處因謂大衆部焉。

竹園北二百餘步迦蘭池佛多說法今枯涸也池西北三里許塔育王立高六十尺石柱五十餘尺上刻立塔事柱東北不遠至曷羅闍姑利四城即折王舍城本寒林地閣王移都斯集當茅城東北四里外

郭已壞內城周二十餘里面有一門無憂王更都香花城將此施婆羅門今住者減千家宮城西南二小寺佛昔說法處諸國客僧多來投止次西北塔殊底迦長者故里即樹提言星王城南門外道左塔者佛說法度羅怙羅處又北三十餘里至

那爛陀寺言祐無厭本南菴設羅園也昔有五百商人買以施佛於中三月說法前後五王之所合造一鑠迦羅阿迭多王此言帝日創造此寺二佛陀毘多王此云覺護次南造寺三哩陀揭多王此言如來次東造寺四婆羅阿迭多王仙六此言幻日次東造寺五伐闍羅王此

十

言金剛次北造寺周垣峻峙高五丈許撲有七院院別三層同爲一門歷代興建窮壯極麗寺立嚴制立寺已來女人不至知事十人每夕巡檢未具受者齒序爲次僧徒數千遊學名僧通數將万多是俊才通學聲馳異域者其人數百故印度諸僧皆仰則焉其有不

識藏旨者形骸自愧故殊方來詣守門者詰問多屈而返或客遊後進詳論藝能其退飛者固十有七八矣所以高才博達強識多能明德利人聯暉接物至如護法護月振續芳

塵德惠德堅流譽物表光友清論勝友高談智月風鑒戒賢志業皆純粹於當時並昭彰於遠古既學冠舊儀述作論釋各數十部盛壯流布故寺聖迹略而可叙寺西精舍佛曾三月說法次南百步小塔遠方僧見佛處又南有觀自在菩薩立像或見執香爐繞精舍右旋者次南一塔佛曾三月住剃剪處疾繞多愈

西垣外池側塔是外道執雀問佛處東南垣內五十餘步有奇樹高八九尺其幹兩披佛昔嚼葉而生如故次東大精舍高二十餘丈佛曾四月說法處次北百餘步精舍觀自在像見感不同或立門側或出簷前故國法俗咸別供養次北大精舍高二十餘丈戒日王

造莊嚴度量及中佛像同菩提樹下精舍也次東北塔佛曾七日說法處西北即四佛坐處次南鑰石精舍高八十尺戒日王造今猶未了

又東二百餘步垣外有銅立像高八十餘尺六層閣盛滿曾王所造此北三里敷精舍中多羅菩薩像量高靈異歲之元日盛興供養諸國王臣寶樂俱奏七日乃止

寺垣門內大井佛爲商侶熱渴指地曰此可得水因以車軸築之泉涌飲之悟聖也寺西南九里許沒特伽羅故里育王造塔記目連也又東四里許是頻毗王此云影堅迎佛處

又東南二十餘里舍利子故里育王建塔旁有尊者遺身塔及井存矣又東南五里塔迦葉波佛時有三億大羅漢同此入滅處又東三十餘里帝釋窟也巖谷危險花林竦茂兩峯特起西巖南面石室佛曾止住釋以四十二疑畫石請問其迹内存今像擬昔入禮肅

然嶺上四佛行坐迹

東峯有寺僧夜西望見石室前有燈炬照帝釋峯寺前有鴈塔其緣如經

帝山東北百六十里許至迦布德寺云鴟僧也

有二百人寺東有塔佛爲大衆一宿說法往昔佛作鴟投火與羅者食處東有育王塔塔

南三里孤山甚高峻多塔廟上觀自在像軀小威大手執蓮花頂戴佛像斷食七日乃至一月便見真儀從像中出即僧伽羅王所造精舍也

又東南行四十里寺僧五十人小乘學大塔多靈佛爲梵王等七日說法處側有四佛行坐迹寺東北七十餘里殼伽河南天祠東大塔佛曾一宿說法處

又東入山林百餘里大寺育王塔佛曾三月說法處

北三里大池周三十餘里四色蓮花四時開發又東入山林二百里至

仙六

十二

伊爛擎鉢伐多國中印周三千餘里都城北臨碗伽河周二十里寺十所僧四千餘人多小乘正量部天祠二十餘異道雜住城中二寺各減千僧並小乘學城北河側伊爛擎古來五通仙常居今有天祠佛於此三月說法城南塔佛曾三月說法旁有三佛行坐迹國西界殼伽河南岸孤山長一里餘佛曾三月安居降薄旬羅鬼藥叉處山東南崖下大石上佛坐迹入石寸餘長五尺二寸廣二尺一寸上有塔蓋次南石上佛據雜迦即深也底深寸餘八出花又坐迹東南藥叉迹長尺六寸廣八寸深二寸山頂有藥叉故室北有立佛迹長尺八闊六寸餘深半寸上塔覆西有溫泉六七極熱國南大林多野象極大從此順殼伽河南岸東行三百里至瞻波國中印周四十餘里寺數十僧二百餘人小乘學也天祠二十餘所異道雜居城以覩壘高數丈

却敵崇峻劫初人物伊始野居穴處後有天女降人中遊碗伽河灌流自媚感靈有娠生四子分贍部洲分墻建邑此則一子之都城即贍部之始主也地溫熱宜象耳

在像神降非一人多絕粒祈者必感土地卑濕出般耶婆果既多且貴大如鶴邛或在樹枝及根中如伏苓也

城東南百五十里碗伽河南水環孤洲中山

崖上天祠多靈其國界野象羣遊又東四百

仙六

十三

餘里至

羯朱溫祇羅國中印度周二千餘里寺七所僧三百餘人天祠十所異學雜居地多卑濕城比碗伽河岸有大高臺以甌爲之四面鑄佛天等像南境多野象耳戒日王遊巡東天於此築行宮又東度碗伽河六百餘里至

奔那伐彈那國中印度周四千餘里都城周四十餘里人盛滿寺二十餘僧三千餘人大小兼學天祠百所異道雜居露形偏多城西二十餘大寺僧七百餘人並大乘學東印度境名僧出此有育王塔佛曾三月於此說法齋日放光側有四佛行坐迹次精舍中作觀自

授以歸戒更廣揚化是則東天佛教由奘弘之聲唱遐塞戒日王知又延西返重加禮敬事在別傳從此南行千三百里至三摩呪吒國東印度周三千餘里近海卑濕都城周二十餘里寺三十餘所僧二千餘人上座部也天祠百餘異道露形甚盛城側育王

塔佛曾七日說法處旁有四佛行坐迹側寺  
中青玉像高八尺相具威嚴自此東北大海  
濱山谷中有室利菴咀羅國次東海隅有迦  
摩浪迦國次東有墮羅鉢底國次東有賞那  
補羅國次東有摩訶瞻波國即林邑也次西  
南有闍摩那洲國是此六國道阻不行又從

仙六

十四

三摩呬吒國西行九百里至耽摩栗底國  
城度周千五百里都城周十餘里濱海卑濕寺  
十所僧千餘人天祠五十異道雜居育王立  
塔四佛行坐迹又西北行七百餘里至

羯羅拏蘇伐刺那國陳印度也城周四千五百  
里都城二十餘人物殷盛邪正兼半寺十  
餘所僧二千餘人小乘正量部天祠五十餘  
異道甚多別有三寺不食乳酪調達部也  
城外寺塔育王所造佛嘗七日於此說法側  
有精舍四佛行坐迹西南七百餘里至

烏荼國東印度也周七千餘里都城周二十餘  
里少信佛法寺十餘所僧徒五百餘人大乘  
信佛法寺百餘所僧萬餘人並大乘學天祠

五十異道雜居塔有十餘並佛曾說法處西  
南境大山中大寺石塔多端齋日放光承露  
盤下覆鉢勢上以花蓋等置之便住如磁石  
吸針也自此西北山寺塔異者同前二塔神  
鬼所造東境臨大海折利咀羅城信教行者周二  
十餘里入海商人止路次也城外五寺臺閣

崇高尊儀巧異南去海中僧伽羅國二萬餘  
里靜夜望彼佛牙精舍數百尺表上鉢曇摩  
羅伽寶寶大如升也珠光挺照懸燭此城又西  
南大林千二百餘里至

恭御陀國陳印度也周千餘里城都周二十餘里  
濱海土熱濕多有奇寶螺貝真珠大青象等

其俗信外道天祠百所異道萬餘人境內小  
城數十據山海住又西南大荒林行千五百  
里許至

羯陵伽國南印度也周五千餘里都城周二十餘  
里少信佛法寺十餘所僧徒五百餘人大乘  
信佛法寺百餘所僧萬餘人並大乘學天祠

百餘尺四佛坐處境北垂大山嶺上塔高百餘尺劫初人壽無量時獨覺入滅處國中深林數百里出香象隣國所重昔五通仙巖栖人觸通退便以惡呪煞此國人今猶少也又此西北山林中行一千八百餘里至

橘薩羅國中印周六千餘里山嶺周境林藪

連接城周四十餘里邑里相望大信佛法寺百餘所僧減万數並學大乘天祠七十異道雜居城南故寺塔佛曾現通伏外道處後龍猛菩薩止此寺中 又西南三百餘里有跋邏末羅耆釐山云黑峰也岌然特上峯峭升絕既無崖谷宛如金石其國昔有引正王爲菩薩

鑿山造寺去山數千里鑿開孔道當山下仰

穿蹊石長廊步擔崇臺重閣閣有五層層有四院並有精舍妙窮工巧從山頂上飛泉流注重疊交通蹊密引明其內通朗人力既竭府藏又盡其功未半王甚憂之龍猛密以神藥滴諸大石並變爲金王見喜勇遂營得就

於五層中各鑄四大金像量等佛身餘尚積庫因僧有譁工人用費並散傾久今唯淨人守護其數極多彌密其尤不可輒見又結法藏後一切諸經並此山中不許持出近有引醫方者入中療病後蒙面而出故罕有達者從南林行九百餘里至

案達羅國前印度周三千餘里都城二十餘里寺二十所僧三千餘人天祠三千餘外道極多城側大寺重閣竒巧佛像亦異前有石塔高數百尺並阿折羅信所行也阿羅漢所造近寺西南二十餘里孤山嶺上石塔即陳那菩薩造因明論處又西南一塔佛曾於此說法

仙六

十六

從此林野南行千餘里至

駛那羯磔迦國南印周六千餘里都城周四十餘里寺多毀壞存者二十餘所僧千餘人大衆部也天祠百餘異道甚多城東西據山間各有大寺昔王爲佛造莫山蹊石制極華博賢聖遊息佛滅未久有千凡僧安居罷日

皆證無學陵虛飛去今寂無人有婆毗訣伽論師明譯云即波若燈論主也於觀自在前絕粒而飲水三年待見慈氏觀自在乃爲現色身今在此城南大山巖執金剛神所誦金剛呪三年神授方云此巖石內有阿素洛宮如法行請石壁當開可即入中待慈氏出我當

相報又經三年然呪芥子擊於石壁豁即洞開時百千衆觀覩驚歎論師跨門再三顧命唯六人從入餘者謁毒蛇窟也當即石門還合如壁自此西南千餘里至

珠利耶國南印周二千五百里都城周十餘里人物少僧寺粗有天祠數十多露形外道城東育王塔佛於此度人伏外道處城西故寺提婆菩薩詰問溫咀羅羅漢北云上也七轉已羅漢杜口不答私運通力往慈氏所告曰提婆者賢劫之佛非余能酬如彈指頃還復談對善薩知之謂曰此慈氏大聖之所釋也南林野行千六百里至

仙六

十七

達羅毗茶國南印度周六千餘里都城周三十餘里寺百餘僧万餘人皆上坐部天祠八十餘多露形外道有育王塔佛數遊此說法度人城南大寺塔高百餘尺佛曾說法伏外道處又有四佛行坐迹自此南行三千餘里至秣羅矩吒國南印度周五千餘里都城周四十

里許僧少天祠數百外道甚多露形者其土壤滬滬不滋茂也城東有育王弟寺又育王立塔佛曾說法祈願皆遂國南近海有秣刺耶山有白檀香樹又羯布羅香樹松身異葉香如冰雪即龍腦香也山東有布怛落迦山頂有池流下出大河繞山二十帀而入南海側他天宮即觀自在遊舍處也祈者見爲自在天像山東北海畔城古僧伽羅國今入海三千餘里至

僧伽羅國非印度攝執師子也周七千餘里都城周四十餘里人戶大盛寺有數百所僧二万餘人上座部也宮側有佛牙精舍高廣如前宮

中日建万八千僧食十數年來國亂方廢  
佛牙側小精舍中金銅坐像肉髻上安奇寶  
昔人因禮見寶起貪夜盜不及像首乃曰佛  
昔輕命爲生今何惜寶乃余像乃俯首與之  
後正知而不罪王贖其寶還安像頂至今低  
首國東南隅數千里那羅智羅洲人長三尺

鳥喙唯食椰子 國洲東南隅有駭迦山  
鬼神所遊佛於此說此經洲西浮海數千里  
孤島東崖石佛高百餘尺東面坐以月愛珠  
爲肉髻月將迴照水即懸注人食之矣  
洲西浮海又數千里有大寶洲無人居止往  
無達者又於達羅毗國北林行二千餘里至

恭達那補羅國南印度周五千餘里都城周三  
十餘里寺百餘所僧万餘人兼學大小天祠  
數百異道雜居宮城側大寺精舍高十餘丈  
僧三百餘人中有一切義成太子寶冠減二  
尺許齋日放光即菩薩時也大城側大寺中  
精舍高五丈餘二百億羅漢是一人名造檀慈氏

像高一丈餘齋日放光城北近多羅林周三  
十餘里葉廣長色光潤諸國同採以供書也  
林中塔四佛行坐迹二百億舍利塔亦此林  
中城東塔高三丈有舍利齋日放光佛曾遊  
此說法又西北林中猛獸所居二千五百里  
許至摩訶刺侘國南印度周六千餘里都城臨  
大河周三十餘里其俗有恩必報有怨必復  
強梁跋扈不臣戒日王也寺有百餘所僧徒  
五千餘人大小兼學天祠百數異道衆矣大  
城內外五塔四佛行坐迹育王表之城南故  
寺有觀自在石像願求多果  
東境大山寺羅漢造也大精舍高百餘尺石  
像高七十餘尺上有石蓋七重虛懸空中相  
去各三尺傳云羅漢願力所持或感神力或  
藥術力諸說不一精舍四面彫作佛因地及  
證果入寂相具矣寺門外南北各一石象傳  
云象吼地則震矣

自此西行千餘里度耐末陀河至跋祿羯呾

婆國南印周二千五百里都城周二十餘里  
邪正兼信寺十餘僧三百餘人習大乘上座  
部天祠十所異道雜居土地鹵惡草木希薄  
從此西北二千餘里至

摩臘婆國南印周六千餘里都城周三十餘  
里據莫訶河東南即五印度之重學土也人

仙六

十九

性善順諸國所無同摩揭陀南洲敬教其二  
國而已邪正兩信寺數百所僧二萬餘小乘  
正量部天祠數百異道塗灰其侶衆矣城西  
北二十里有大婆羅門邑側大陷坑水流無  
滿昔大慢婆羅門謗大乘生陷入地獄處自  
此西南入海道矣

又西北行二千五百餘里至

阿吒釐國南印周六千餘里都城周二十餘  
里人盛滿家事天神祠十餘所異道雜居土  
地沙鹵出胡椒樹如蜀椒樹

又出熏陸香樹葉如棠也又從摩臘國西北  
三日行按百里為一日行至契吒國南印周三千餘

里都城周二十餘里人滿住寺十餘僧千餘  
人大小通學天祠數十外道特多又北千餘  
里至

伐臘毗國羅印度之別也周六千餘里都城周  
三十餘里人住盛多財百億者有數百家寺  
百餘所僧六千餘人多小乘正量部天祠數  
百外道亦多佛數遊此國育王多樹塔有三  
佛行坐迹又此西北行七百餘里至

阿難陀補羅國西印周二千餘里都城周二  
十餘里人戶滿寺十餘所僧減千小乘正量  
部天祠數十外道雜居從伐臘西五百餘里至  
蘇刺吒國西印周四千餘都城周三十餘里

西據莫醯河人住滿屬伐臘兼信邪正寺五  
十餘所僧三千餘人上座部也天祠百餘外  
道雜住地鹵斥花果少國當西海路口不遠  
城西山頂有寺大宏敞華美仙賢遊止又伐  
臘北千八百餘里至

瞿折羅國西印周五千餘里都城周三十餘

里人咸少信佛寺一所僧百人小乘學天祠數十異道多矣又東南二千八百餘里至  
鄖闕衍那國南印度周六千餘里都城周三十  
餘里人盛滿寺在者五所僧三百人大小兼  
學天祠數十異道雜居地鹹果少城側塔者  
無憂造生地獄處又東千餘里至

俗之別而剃頭髮服袈裟形同比丘樂行鄙  
俗又懷小見誹斥大乘昔有羅漢乘空往化  
授三歸已剃染行法後還復本風俗故余自  
東九百餘里越信度東岸至  
茂羅三部盧國西印度周四千里都城周三十  
餘里人盛屬碑迦國寺十餘所謂極少特信

擲积陀國南印度 周四千餘里都城十五里許  
寺數十僧少耳天祠十所外道千餘人又北  
九百餘里至

摩醯濕伐羅補羅國中印度周三千里都城周二十餘里不信佛法天祠數十塗灰外道也從瞿折羅北野磧行二千里許渡信度河至

信度國西印度周七千餘里都城三十餘里土  
出金銀鉢石一峯駢駢極卑小出赤白黑鹽  
信佛法寺數百所僧万餘人並小乘正量部  
而多怠行天祠三十異道雜居佛屢遊此育  
王建塔數十焉有烏河側千餘里陂澤間數  
百千戶牧牛爲業唯煞是務無貴賤男女道

物給貧病者又正東七百餘里至  
鉢伐多國北印屬磔迦也周五千餘里都城  
周二十餘里人咸雜信寺十餘僧千餘人小  
仙六  
大乘學有育王塔天祠二十城側大寺僧百  
餘人並大乘學近天火燒之土多旱稻從信  
度西南千六百里至  
阿點婆翅羅國西印周五千里都城周三十  
餘里僻在西境地卑下臨信度河濱大海重  
佛法寺八十餘所僧五十餘人多小乘正量

仙六

廿

部天祠十所塗灰外道也佛曾遊此育王立六塔又城西減二千里至

狼揚羅國

度  
西印

廣繼各數千里都城周三十

餘里人盛滿近西海入西女國路口屬波斯寺有百餘所僧六千餘人大小兼學天祠數百塗灰外道盛土潤洽滋茂百卉自此西北

即至波刺斯國

非印  
度攝

周數万里都城周四十餘里人物甚盛寺有三所僧數百人天祠甚

多土出金銀鉢石頗肥水精死多棄尸

佛鉢在王宮中東境有鶴秣城郭周六十餘里人衆盛 西北接拂林國

非印  
度出伯狗子本赤頭鵠生於兎中案梁貢職圖云去波斯

北一万里西南海島有西女國

非印  
度拂林年別送男夫配焉彼國又云波羅斯西一万里極婆羅門國南一万里又是婆羅門以今往度疑太遼遠從阿黠北七百餘里至辟支勢羅國

度  
西印

周三千餘里都城周二十餘里人盛屬信度國寺五十餘所僧三千餘

人小乘正量部天祠二十餘塗灰道也城北十六里大林四佛行坐處育王建塔高數百尺中有舍利放光佛曾作忍仙被此王害處東有故寺又東北三百餘里至

鞞茶國

度  
西印

周二千五百里都城周二十餘

國無君長屬信度寺二十所僧二千餘人小乘正量部天祠五所塗灰道也地多花果城

東大竹林古寺是佛開諸比丘著互縛屣此言也處也旁塔高百餘尺側有精舍青石立佛齋日放光 此南八百步林中浮圖育王所立佛止於此以寒故三衣重覆又開複納衣

林中有佛經行處 又四佛坐處別塔表之

山六

計二

又髮爪塔齋日放光又東北九百餘里至伐刺擎國

度  
西印

周四千餘里都城周二十餘里人住滿屬迦畢試寺數十所僧三百人大

小兼學天祠五所塗灰道也地多山林城南故寺佛曾遊此側塔是四佛行坐迹俗云此國西接稽瞿那國居大山中復此西北又踰

大山二千餘里山西印度境入胡俗境潛矩  
既國又東北千六百里入迦畢試界方合北  
道及中道也略舉突厥已南三海所內大合  
一百五十國非印度所攝者七十一國以突厥  
至于北海而遊履無間故無可紀也

釋迦方誌遊履篇第五

仙六

自文字之興庖羲爲始暨至唐運歷代可紀  
而聞矣秦周已前人尚純素情不遠遠故使  
通娉止約神州漢魏已後文字廣行能事鬱  
興博見彌遠故象胥載庭橐衛斯立踰空桑  
而歷昆丘度雞田而跨鳥穴龍文汗血之驥  
雖絕域而可追明珠翠羽之珍乃天崖而必  
舉窮丘躡武誠大宛之勞師擁節泥海信王  
命之遐弊及顯宗之感瑞也創開仁化之源  
奉信懷道自斯漸盛或慨生邊壤投命西天  
或通法揚化振崇東宇或躬開教迹不遠尋  
經或靈相舊規親往詳閱斯之多舉並歸釋  
宗故摠別之用開神略始於前漢至我大唐

前後通數使之往返將二十許且張騫尋河  
本唯凡俗然創聞佛名則釋化之漸也故亦  
通叙求法之例今搜括傳記條序使途列其  
前後顯然有據

一謂前漢武帝遣博望侯張騫尋黃河之源  
從北道入大宛至大夏見筇竹杖蜀布國人

云之身毒身毒即天竺之訛語也後漢書云  
其國殷平和氣靈智所降賢懿挺生神迹詭  
恠理絕人區感驗明顯事出太外而騫超無  
聞者豈其道閉往遲數開叔藥乎二謂後漢  
顯宗孝明皇帝永平三年夜夢金人身長丈  
餘項佩日月光飛行殿前帝問群臣道人傳  
毅曰臣聞西域有神其名曰佛陛下所夢將  
必是乎帝乃遣郎中蔡愔博士秦景等從雪  
山南頭懸度道入到天竺圖其形像尋訪佛  
法將沙門迦葉摩騰竺法蘭等還尋舊路而  
届雒陽三謂後漢獻帝建元十年秦州刺史  
遣成光子從鳥鼠山度鐵橋而入窮於達觀

旋歸之日還踐前途自出別傳

四謂晉武世燉煌沙門竺法護西遊三十六國大賣法經沿路譯出至長安青門外立寺結衆千餘教相廣流東夏者法護深有殊功故釋道安云若親得此公筆自綱領必正斯至言也

五謂東晉隆安初涼州沙門釋寶雲與釋法顯釋智嚴等前後相從俱入天竺而雲通歷大夏諸國解諸音義後還長安及以江表詳譯諸經即當今盛行莫非雲出而樂栖幽靜終於六合山遊西有傳

六謂東晉後秦姚興弘始年京兆沙門釋智猛與同志十五人西自涼州鄯善諸國至罽賓見五百羅漢問顯方俗經二十年至甲子歲與伴一人還東達涼入蜀宋元嘉末卒成都遊西有傳大有明據題云沙門智猛遊行外國傳曾於蜀部見之

七謂後燕建興末沙門曇猛者從大秦路入

仙六

廿四

達王舍城及返之日從陀歷道而還東夏

入謂後秦弘始二年沙門法顯與同學慧景等發自常安歷干填道凡經三十餘國獨身達南海師子國乃汎海將經像還至青州牢山登晉地往楊荆等州出經所行出傳九謂宋初涼州沙門智嚴遊西域至罽賓受

禪法還長安南至揚州宋都廣譯諸經然以受戒有疑重往天竺羅漢不渡爲上天諮詢勒告之得戒於是返至罽賓而卒遣弟子智羽等報徵西返

十謂宋永初二年黃龍沙門釋法勇操志雄遠思慕聖迹招集同志沙門僧猛曇朗等二十五人發跡雍部西入雪山乘索橋并傳杙度石壁及至平地已喪十二人餘伴相携進達罽賓南歷天竺後汎海東還廣州所行有傳十一謂宋元嘉中涼州沙門道泰西遊諸國獲大毗婆沙還於涼都沮渠氏集衆譯出十二謂宋元嘉中冀州沙門惠叡遊蜀之西

界至南天竺曉方俗音義還廬山又入閩又返江南

十三謂後魏太武末年沙門道藥從跋勒道入經懸度到僧伽施國及返還尋故道著傳一卷

十四謂宋出高昌沙門道普經遊大夏四塔

仙六

升五

元

道樹靈迹通謁別有大傳又高昌法盛者亦

經往佛國著傳四卷

十五謂後魏神龜元年燉煌人宋雲及沙門道生等從赤嶺山傍鐵橋至卓陀衛國雀離浮圖所及返尋於本路

十六謂大唐京師大莊嚴寺沙門玄奘以貞

觀三年自弔形影西尋教迹從初京邑西達

沙州獨陟險塞伊吾高昌備經危險時高昌王麴氏爲給貨賂傳送突厥葉護牙所又被將送雪山以北諸蕃胡國具觀佛化又東南出大雪山達諸印度經由十年後返從葱嶺南雲山北歷諸山國東歸經于闐婁蘭等凡

一百五十國貞觀十九年安達京師奉詔譯經乃著西域傳一十二卷余歷尋僧傳并博聽聞所遊佛國備之前矣然記傳所見時互出沒取其光顯者方爲叙之至如法維法表之徒標名無記者其計難緝又隋代往還唐運來往咸續履歷具程油素諸如此例何可

具焉  
釋迦方誌通高篇第六

法王利見未闡中邊適化無方豈專形教致使聞同解異說一悟殊登位地而上征結封迷而下降全身碎身之相聚塔散塔之儀神光燭而邪計摧靈迹挺而深信結斯徒衆矣具列前篇自法水東流道光西照聲榮之盛騰實東川育王表塔創啓隆周釋父景形鬱興炎漢自斯歷代世積弥繁景匪西天獨揚神化故經云正法後被先於北方次及東南至中方滅此之震且南望華胥滅度之儀迴身北首即其事矣所以依錄編次以爲通局

篇云

按周書異記周昭王即位二十四年甲寅歲四月八日江河泉池忽然泛漲井水溢出山川震動有五色光入貫太微遍於西方盡作青紅色太史蘇由曰有大聖人生於西方一千年外聲教及此昭王即勅雋石記之埋於

仙六

共六

元

南郊天祠前此即佛生之時也

周穆王即位三十二年數見西方光氣蘇由先說聖人處世即與相國呂侯乘驛駕八駿西行求佛因以攘之

周穆王五十三年壬申歲二月十五日平旦暴風忽起損舍折木地動天陰西方白虹十二道太史扈多曰西方聖人滅矣此即涅槃之相也有說云佛生周莊魯莊之世者今取多文爲錄

史錄曰商大宰嚭問孔子曰孰爲聖人孔子曰西方之人有聖者焉不治而不亂不言而自信不化而自行蕩蕩乎民無能名焉老子

西昇經云吾師化遊天竺善入泥洹

前漢孝武帝元狩中霍去病討匈奴至臯蘭過居延山獲昆耶休屠王等又獲金人率長丈餘列之於甘泉宮帝以爲大神燒香禮拜及開西域遣張騫使大夏還云有身毒國身

毒國一名天竺始聞浮圖之教此即佛之形

教相顯之漸也

哀帝元壽年使景憲往大月氏國因誦浮圖經還漢當時稍行浮圖齋戒

成帝時都水使者光祿大夫劉向傳云向博觀史籍往往見有佛經及著列仙傳云吾搜檢藏書太史創撰列仙圖黃帝以下迄至于

仙六

廿七

今定檢寶錄一百四十六人其七十四人已見佛經矣據此而明秦周已前早有佛法流行震旦何以取知今案所列

故佛傳云佛滅度後一百一十六年東天竺國有鐵輪王統閻浮提收佛靈骨役使鬼神一億人處爲起一塔四海之內合起八万四

千故此九洲之地並有遺塔云是育王所造當此周厲王之時故塔興周世經二十餘王至秦始皇三十四年焚燒典籍育王諸塔由此渝亡佛經流世莫知所在又釋道安朱士行等經錄目云始皇之時有外國沙門釋利防等一十八賢者賈持佛經來化始皇始皇弗從遂囚禁之夜有金剛丈六人來破獄出之始皇驚怖稽首謝焉自此而言則知秦漢以前已有佛法尋道安所載十二賢者亦在七十之數今列仙傳見有七十二人案文殊泥洹經佛滅度後四百五十年文殊至雪山中爲五百仙人說法人案地理志西域傳云

雪山者即葱嶺也其下三十六國先來奉漢其葱嶺連亘東至終南文殊來化仙人即斯地也詳而驗之劉向所論可爲證矣

後漢郊祀志曰佛者漢言覺也將以覺悟群生也統其教以修善慈心爲主不殺生類專務清淨其精者爲沙門漢言息心剃髮毀容

去家出俗絕情洗欲而歸於無爲也又以人死精神不滅隨復受形所行善惡後生皆有報應所貴行善修道以練其精神練而不已以至無生而得爲佛也身長丈六尺黃金色項中佩日月光變化無常無所不入故能化通万物而大濟群生也有經書數千卷以虛無爲宗包羅精麤無所不統善爲宏闊勝大之言所求在於一體之內所明在於視聽之表歸於玄微深遠難得而測故王公大人觀生死報應之際莫不悚然自失也餘如漢法本內傳魏書云蔡愔得佛經四十二章及釋迦立像明帝令畫工圖寫置於清涼臺及顯節陵上

仙六  
廿八

經文藏於蘭臺石室愔之還也以白馬負經而至漢因立白馬寺於洛陽雍門西其經旨大抵言生生之類皆因行業而起有過去當今未來三世也其修道階次心行等級非一皆緣淺以至深藉微以爲著率在於積仁順  
蠲嗜欲習虛靜而成通照也其始修心則依

佛法僧受三歸也三歸如君子之三畏又有五戒斷煞盜婬妄語飲酒大意與仁義禮信智同云奉持之則生人天勝處離鬼畜諸苦言善惡之處凡有六道在於防心正身口揔謂十善也能具此者近獲天報遠得菩提佛以四月八日夜從母右脅而生起相異者三十有二既去世後弟子等以香木焚身靈骨分碎大小如粒其色紅白擊之不壞焚之不焦每有光明神驗及後阿育王者以神力分佛舍利使諸鬼神造八万四千寶塔今洛陽彭城扶風蜀郡姑臧臨淄等皆有塔焉並神異矣吳書曰赤烏四年有康居國沙門康

僧會者行化道也初達吳地營立茅茨設像行道吳人初見謂爲妖異有司奏聞吳主孫權問曰佛有何靈驗耶會曰佛晦靈迹出餘千載遺骨舍利應現無方權曰若得舍利當爲起塔經三七日遂獲舍利五色曜天剖之逾堅燒

仙六

廿九

之不然光明出火作大蓮花照曜宮殿吳主歎異信心乃發爲造建初寺度人出家權問尚書令都鄉侯闡澤曰漢明已來凡有幾年佛教入漢既久何緣始至江東澤曰從永平十年至今赤烏四年合一百七十年然以永平十四年五岳道士與摩騰較試之時道士不如南岳褚善信費叔才等在會自感而死門徒子弟歸葬南岳不預出家無人流布後遭漢政陵遲兵戈不息經今多載始得興行吳主曰孔丘老子得與佛比對不澤曰臣尋魯孔丘者英才誕秀聖德不群世号素王制作經典訓獎周道教化來葉師儒之風澤潤今古亦有逸民如許成子原陽子莊子老子等百家子書皆修身自翫放暢山谷縱大其心學歸澹泊事乖人倫長幼之節亦非安出化民之風至漢景帝以黃子老子義體尤深改子爲經始立道學勃令朝野悉諷誦焉若將孔老二家遠方佛法遠則遠矣所以然者

孔老設教法天制用不敢違天諸佛設教天  
法奉行不敢違佛以此言之實非比對明矣  
吳生大悅以澤爲太子太傅

魏書明帝曾欲壞宮西浮圖外國沙門乃金  
盤盛水置於殿前以舍利投水仍有五色光  
起帝加歎異乃於道東作周間百間以爲精

舍吳後主孫皓虐政廢棄淫祀佛寺相從亦  
同廢限諸臣僉曰康會感瑞太皇創寺若遂  
除毀恐貽後悔後宮內掘地得金像皓乃穢  
之陰處尤痛聲叫難忍太卜曰犯大神所爲  
於是廣祈名山大川因不畢至而痛苦彌甚  
有請祈

佛者皓曰佛爲大神耶試可求之一請便愈  
乃以馬車迎會爲陳報應皓見本業百二十  
願皆爲衆生深加敬重仍於會所從受五戒  
准此掘地獲像明知秦周有佛教驗矣  
西晉愍帝建興元年有二石像浮于吳松江  
漁者疑爲海神延巫祝以迎之風濤更盛奉

黃老者謂是天師復往迎接風浪如初奉佛  
居士朱膺者吳縣人素有誠信共東靈寺帛  
尼并信者數人至滻瀆口迎之風潮忽靜遙  
見二人至乃石像立高七尺波中捧上置通  
玄寺銘其背一名惟衛二名迦葉莫測帝代  
而字迹分明

東晉孝武帝寧康三年二月八日沙門釋道  
安威德昭彰擅名字內於襄陽郭西鑄丈六  
無量壽像明年季冬嚴飾成就像乃西行上  
於万山于時鄉邑驚嗟迎歸本寺仍以其夕  
出住寺門刺史郗恢乃改名金像寺梁武普  
通三年帝於建興苑鑄大金銅像花趺高六

尺廣一丈許勑劉孝儀爲文立碑贊德及周  
武之滅法也建德三年有太原公王康爲荊  
州刺史副將長孫哲不信佛法先欲壞之遣  
百餘人以繩繫項挽全不動哲謂不用力杖  
之令牽如故不動又加三百乃至五百牽之  
乃倒聲震地動即令毀之揚聲自快乃馳馬

欲報刺史裁可百步墮然落地失瘞直視尋  
余而卒道俗唱使當毀像時於腋下倒垂衣  
內著銘云

晉太元十九年歲次甲午比丘道安於襄陽  
西郭造丈八金像一軀此像更三周甲午百  
八十年當滅計勘年月悉符同焉信知印手

仙六

三十一

聖人誠不虛矣然以事推安以太元三年戊  
寅之歲則苻堅建元十五年也與未序習郁  
被俘秦土太元十年在關便化後十年歲  
方甲午一往橫望年紀參差預覩未然三經  
甲午取其大運之極數又顯印手之通聖云  
晉太元中沙門曇翼者於荊州造長沙寺寺  
成而未有佛像翼曰大聖遺跡遍闕浮提豈  
我無感而不降耶乃潔齋祈仰以二月八日  
夜見于城北形儀嚴肅高干七尺光相衝天  
諸處迎接初不能起翼曰將非通感所致降  
我長沙乎乃與三人捧之颯然輕舉迎入寺  
中昔經夜行人謂惟異以刀擊之鎗然作聲

視乃金像刀所擊臂文現於外後劉賓僧云  
是育王像也光上有字時大重之梁武聞之  
屢迎東下雖加事力終無以致後竭丹欵鄭  
重懇懃方乃下船去都十八里帝自出迎尋  
路放光相續不絕道俗稱慶後在太極殿重  
興供養晚出大通門入同泰寺又加供養及

寺火燒堂刹並盡唯像居殿赫然獨存晚還  
荊州本寺夜出遶塔降靈非一及元帝崩諸  
有凶事輒流汗在地近太宗晏駕亦如前流  
汗其瑞極多晉咸和中丹陽尹高悝見張侯  
橋浦有異光使人尋之得一金像無有光趺  
載至長干巷口牛住不行乃任所之徑趣長  
干寺後數年臨海漁人張係出於海口見銅  
蓮花趺浮水上乃以表聞勅送像足宛然符  
合後有天竺五僧詣悝云昔於本國得阿育  
王像至鄴遭亂藏于河岸近感夢云吾已出  
江南爲高悝所得乃引至寺僧見流涕像爲  
放光照于内外僧曰此像乃育王第四女所

造丈在花趺上因檢同焉又云本有圓光計應尋至後晉咸安元年交州合浦採珠人董宗之見海底光浮出水上尋得佛光以事奏聞簡文勅施像背孔穴懸同光色無改四十餘年江海隔絕一朝方具人百懷嗟自晉及

仙六

陳五代君王莫不親敬每有元旱請像乘輦

三十二

入宮祈請無不畢雨陳氏禎明中其像自然轉身面西雖正還余具以奏聞帝延處太極設齋行道像乃脫七寶冠挂手帝燒香誓曰若國不祥願重現相仍以冠首至明還脫君臣失色及隋滅陳朝佐露首面縛入京文帝知之延至宮內常侍供養後下勅曰朕老不

有像現靈相備者廿樂時平如其有闕世亂民苦後經八十七歲至魏正光元年因大風雨雷震山巖挺出像身一丈八尺形好端嚴唯無其首登即選石命工安訖還落魏道凌遲其言驗矣

至周元年始治涼州城南七里澗忽見佛首

石采光明乃往安之恰然符合神儀彌缺四十餘年身首異處二百餘里一朝圓具衆咸嗟嘆時有燈光流照鍾聲飛響莫知來處建德初年像首頻落大冢宰及齊王躬往看之乃令安處夜落如故經于數十更換餘頭終墮如故後滅佛法僅得四年國喪滅嗣斯言

仙六

卅三

能久立可作坐育王像進內其本像於興善供養寺見形小置于北面及明乃見在南相從內愧今現在殿圖寫殷矣及仁壽立塔一瑞如感應傳元魏太武大延元年有沙門劉薩何者家于離石南高平原今慈州也昔行至涼州四番禾郡東北望御谷而遙禮曰此山當

又驗故模寫其狀畢量有差今爲感通寺焉何遂死于酒泉城西十里澗中骨如葵子人拾穿之如彼寺碑余以貞觀初年歷遊關表故謁何之本廟在慈州寺中形影端峙日有隆敬自石隙慈嵐延丹綏銀等州並圖形崇

元魏天平年中定州募士孫敬德造觀音像  
自加禮敬後爲劫賊所引不勝拷楚妄承其  
死將加斬波夢一沙門令誦救生觀世音經  
千遍得脫有司執縛向市且行且誦臨刑滿  
千刀斫自折以爲三段皮肉不傷三換其刀  
終折如故視像項上有刀三迹以狀奏聞承

相高歡表請免死勅寫其經廣布於世今謂  
高王觀世音焉自晉宋梁陳魏燕秦趙國分

十六時經四百觀音地藏彌勒彌陀稱名念  
誦獲其將救者不可勝紀其諸傳錄故不備  
載梁高天監年於本第造光宅寺鑄金銅丈  
八像將就治鑄疑銅不足始欲上請便有傳

詔領銅十五車至云奉勅送寺即就融寫一  
鑄便成惟覺高大試量乃二丈二尺以狀奏  
聞勅云初不送銅斯爲通感遂鑄于花趺以  
爲靈誌于今存焉

陳武帝崩兄子蒨嗣業造輶輶車乃取梁武  
重雲殿中珠珩以飾送終人力既豐四面齊

至但見雲氣擁結流繞佛殿自餘方左開朗  
日耀須臾大雨洪注雷電震吼煙張殿表火  
烈雲中流光布燐高下相屬並見重雲殿影  
金銀二像八部神王并及帳座一時騰舉煙  
火挾之歛然遠滅觀者傾國及晴之後覆看  
故所唯礎存焉至月餘日有從東州來者云  
於是日見殿影像乘空飛於海上有望海者  
有時見之

魏氏洛京明帝胡后造永寧浮圖去地千尺  
闇浮一洲無勝斯塔後爲天震緣略同前有  
人東海亦見其相又魏氏北臺恒安石窟三十  
里內連次而列高二十餘丈內受千人劫  
仙大  
卅四

不震旦海曲神州諸山往往聖寺感見非一  
且述三兩用爲寶錄昔晉太元初有燉煌沙  
門竺曇獻乞食坐禪強志勤業遊會稽剡縣  
石城山羣虎來前獻爲說法一虎獨睡乃以  
如意打頭有十圍蛇繞之初無怖色又山神  
捨宅與之又往赤城山宴坐此山與天台瀑

布四明連屬父老天天台山有聖寺猷往尋之石橋跨谷青滑難度橫石斷路無由得達夕宿橋首聞彼行道唱薩聲便潔齋自勵忽見橫石洞開猷便前度具覩精舍神僧燒香中食畢謂曰却後十年自當來此又有齊鄰下大莊嚴寺沙門圓通者感一神僧夏中聽

講自恣訖辭云在竹林寺邀通過寺通具問

道徑明年尋至在皷山東鄰之西北神僧迎接具見門闕房牢華敝林竹切天經宿周流意言道合便有終焉之思神僧爲詣大和尚乃不許之及還返路三里之外返望莫覩後之往者不知其處

近鄧州沙門道勤者於州北倚立山追訪仙寺如言具見周循歷覽實爲佳寺衆具皆備但不見人却下重尋使失歸路乃於道次築室擬尋又汾州東介山抱福巖者山居之僧數見沙門乘空來往又益州東三學山常有神燈空中照耀齋日倍多又涼州南洪崖窟

沮渠蒙遜所造碑寺現存有塑聖僧常自行道人來便止人去尋行故其旁側足跡納余斯徒衆矣不可具云余聞入大乘論尊者賓頭盧羅睺羅等十六大阿羅漢住世通法又有九億無學亦此洲中未入涅槃准此而詳今諸山居多聞磬聲或尋遇寺豈非諸聖

之所處乎

今約通局諸門以分一約往世二約賢劫三約釋迦一佛爲候初約往劫用辨通塞者如上所列往劫行事薩埵捨身流血尚在達摩捨手杖捶遺血布髮掩泥之所捨身求偈之地月光斬首尸毗飼鷹斯等遺蹤並惟古劫計數災蕩如何尚存印度名僧亦波斯致理如所問無宜獨留而往事往生彌縫於五印者有人云此乃如來神力菩薩至行雖有三災不可除滅後成世界依而集之有人言三災之化無往不除但欲使後代可師仰故出

感所爲故五不思議中一爲佛力也所以往

劫生事依依列之二約同劫以明且如一鉢千佛共同故傳云釋迦受食四王奉鉢滅後流行至毗舍離若干百年又至乾陀衛又至月支于闐龜茲當達振且返師子國還來天竺上昇兜率天弥勒見曰釋迦佛鉢今來至此七日供養還下龍宮彌勒道成四王還獻二者龍宮佛影千佛同留三者方石說法千佛同坐即健陀卑鉢樹下者四者石塔感衰千佛同候上傳之中多明四佛行坐之迹准此未來抑亦可見三明釋迦一代通局不等如天道寶階滅無遺緒吒王大塔七化已三道樹滅而更生佛跡毀而還現揚枝摧而重生舍利試而逾靈諸如此例故應不通後佛聖沮渠滅定之侶摩支應供之徒事局未來神遊絕域皆爲明道開顯塵蒙慈導有情澄神諸有故也

仙大

### 釋迦方誌時住篇第七

案索訶世界一大劫中千佛出世尋夫劫波之号不可以時數推之假以方石芥城准爲一期之候中含四大中劫謂成住壞空也如從十歲增至八萬復從八萬至於十歲經二十反爲一小劫二十小劫爲一成劫以年算之則經八千万万億百千八百万八萬歲也止爲一小劫耳今成劫已過入住劫來經十小劫釋迦如來住劫第四尚餘九百九十六佛次續興焉

依摩耶經如來滅後正法五百年像法一千零六年又依善見毗婆沙云如來滅後正法千年像法亦余以度女人故正法減五百年若諸女人能遵八敬如法行道正法住世還得千至如雞足迦葉留化慈尊小宮明辨持身待家得三達靈智後五千年出家修道不得三達靈智過此已後經歸龍宮像自頽壞諸比丘等同於俗流唯有剃髮袈裟而已佛法之垂振且

三被誅焚勿赫連勃勃號爲夏國初破長安過僧皆煞二魏太武用崔皓言夷滅三寶後俗皆不得其死如傳所詳也

### 釋迦方誌教相篇第八

自釋教之來振旦開濟極焉發悟踐通廓清塵染其中瑞應其編前聞且迷數條用程無惑昔士行尋教意在大乘將發西域乃有留

仙六三十七

難遂將經投火經身不灰火爲之滅東逢此

土即放光經是也又曇無識獲涅槃經至於

涼土盜者夜竊舉而不起稽首謝焉周武之

凌法也像毀經焚咸見藏經相從騰上奄入

空際如斯衆矣不可具書然弘教在人有國爲本度人立寺圖像譯經卅約相求故叙由

來昌明佛教而漢魏已往固無得而稱聞晉

宋迄今輒略銓序

晉世祖武皇帝大弘佛事廣樹伽藍

晉惠帝洛下造興聖寺供常百僧

晉敏帝靈於長安造通白馬二寺

右西晉二京合寺一百八十所譯

經一十三人七十三部

僧尼三千七百人

晉中宗元帝

江左造寺二寺

晉肅宗明帝

造寺集義學二寺

晉顯宗成帝

造寺集中興鹿野二寺

晉太宗簡文帝

造像度僧寺

晉烈宗武帝

造皇泰寺第一塔於育王立本起寺

晉安帝

立大石寺

右東晉一百四載立寺一千七百六十八譯經二十七人二百六十

三部

僧尼二万四千人

宋高祖武帝

口誦梵本手爲戒經造靈根法王四寺供千僧

宋太宗明帝

造丈六金像齋戒舍利佛塔中寺召諸名僧

宋太祖文帝

奉齋不殺造禪寺常供千僧

右宋世祖合寺一千九百一十三譯

經二百一十部

僧尼三万六千人

齊太祖高帝

手寫常供僧造常寫供正僧三觀二寺花口誦般若四月八日

齊世祖武帝

僧造常寫常持六齋詔一切經造花歸依寺召集禪僧若

齊高宗明帝

僧造常寫常持六齋詔一切經造花歸依寺召集禪僧若

右齊世合寺二千一十五所譯經

仙六

七十一部

僧尼三萬二千五百人

梁高祖武帝

僧制同泰五寺普持六齋詔五時論轉四方等造光國內

梁太宗簡文帝

建齊資敬報恩二寺刺血自書

梁中宗元帝

造天居天宮三寺供有千僧自講法花成實

右宋世合寺二千八百四十六譯

經二百四十八部

僧尼八萬二千七百人

梁宣帝

梁明帝

右二主中興社稷於荊州造天皇  
陟屺大明等諸寺治在江陵一州  
佛寺一百八所

僧尼三千二百人

陳高祖武帝

楊州造東安興聖天居四寺寫一百萬軀度僧七千人治故寺三十二所

陳世祖文帝

寫五十藏經度僧尼二萬人治故寺六十所

陳高宗宣帝

又造崇皇寺剎高十五丈下安塔佛床造金像二萬餘尊治故寺寫五十所故像一百三十萬軀

右陳世五主三十四年寺有一千二百三十二國家新寺一千七百

仙六

三九

官造者六十八郭內大寺三百餘

僧尼三万二千人譯經十一部輿

地圖云梁氏都下舊有七百餘寺屬侯景作亂焚燒蕩盡有陳既統國及下民備皆修葺表塔相望星羅揭輦經像之富不可殫言

魏元太祖道武皇帝  
百如經僧造於虞地造千金像集三  
日法像十五級塔又

魏高宗文成帝  
魏顯祖獻文帝  
魏高祖孝文帝  
於召造凡重復佛  
宮坐招度僧尼教  
侍女造禪隱寺三  
者皆安僧教更開釋  
安養寺召三月六日僧  
持召四方僧六  
令出家手不釋卷

魏世宗宣武帝  
於一大行供施度僧尼  
定輒四殿千人  
造寺常講維摩經  
千僧造普

魏敬宗孝莊帝造五精舍  
西魏武帝長安造陟屺  
寺供二百僧  
魏文帝造般若寺用給貧老

右元魏君臨一十七帝一百七十  
年國家大寺四十七所北臺恒安

鐫石置龕連三十里王公等寺八  
百三十九所百姓所造寺者三万  
餘所摠度僧尼二百餘万譯經四  
十九部佛教東流此焉爲盛唯太

武世信用司徒崔皓佞說凌廢正  
教潛隱七年後知詐妄戮誅崔氏  
還興佛教光闡於前

齊高祖文宣皇帝

齊肅宗示孝昭帝  
三萬八千四十七卷度三  
爲先皇寫經一十二藏合

齊世祖武成帝

爲先皇寫經一十七卷度三合  
三萬八千四十一十二藏合  
千許

右高齊六君二十八載皇家立寺  
四十三所譯經一十四部度人與

魏相接

四

周孝明帝爲先皇造像成像高二丈六尺等身檀安像一千人追遠陟兜率天供養實

周高祖武帝

爲行  
文  
皇  
造  
錦  
像  
高  
一  
丈  
六  
尺  
寶  
會  
百  
八  
千  
寧  
國  
大  
造  
首  
部  
僧  
後  
遇  
張  
賓

周孝宣帝

重隆佛日造塑像四龕一  
寫般若經三千卷六齋八戒常弘

右周世子支氏五帝二十五年合  
寺九百三十一所譯經一十六部

隋高祖文皇帝聞皇三年周朝廢寺咸爲立州立舍利塔度僧尼二三十萬人四

隋煬帝

右隋代二君三十七年寺有三千  
六千一治二爲自十治十六  
十軀百故木文餘万故六  
軀造七經塔皇別六經藏  
度新十六井獻造千三一  
六像二百立后不五千十  
三千三部一別於可百八三  
二千治十寺長具六百万  
百八故二十安已十五軀十  
大百像藏所造 一二官二  
十万供禪 万九四定  
一千事并 三部造像卷

九百八十五所僧尼二十三万六  
千二百譯經八十二部

自唐啟運弘敞釋門功業崇敏未可勝紀故  
難叙出

釋迦方誌卷下

四十一

仙六

纂音

竹僵卦

赴上仰

倒蓋日下

倡浦伏到瓦

卷一百一十五

關刺

馬上

大唐永徽元年歲維庚戌終南大  
一山豐德寺沙門吳興釋道宣往  
參譯經旁觀別傳文廣難尋故略  
舉其要并潤其色同成其類庶將

大唐永徽元年歲維庚戌終南大  
一山豐德寺沙門吳興釋道宣往

穠砂大藏經

釋迦方誌

第九二册

